

# Morningstar dat in rating da 5 stailas al fond BCG

## La nota maximala per il «fond d'acziun Mund da la BCG (CH)»

Cuira, ils 18 da matg 2020 – Morningstar, l'interpresa d'infurmaziun da finanzas e d'analisa activ sin l'entir mund, ha valità il fond d'investiziun «fond d'acziun Mund da la BCG (CH)» lantschè il 2017 cun tschintg stailas.

Il fond d'investiziun «fond d'acziun Mund da la BCG (CH)» lantschè l'onn 2017 ha pudì festivar ils 6 d'avrigl 2020 il giubileum da trais onns. Entant ha il fond in volumen dad USD 338 miu. (per ils 30-04-2020). Cun la performance ch'el ha cuntanschì ils ultims trais onns tutga il fond tenor Morningstar tranter ils meglier tschintg pertschient en sia grupp da cumparegliaziun (Global Large-Cap Blend Equity). A basa da questa prestaziun ha il fond BCG survegnì il matg 2020 in rating da 5 stailas, la meglra valitaziun pussaivla.

Il «fond d'acziun Mund da la BCG (CH)» vegn administrà da la Banca Chantunala Grischuna ed investescha en l'entir mund en 50 interpresas d'alta qualitat cun avantatgs da concorrenza a lunga vista. Las acziun vegnan selecziunadas a basa d'in model da plirs factors da la BCG. En il rom da l'analisa vegnan considerads criteris qualitativs e quantitativs sco era criteris da persistenza.

En quel connex di il manader da l'Investment Center BCG Adrian Schneider: «Nus avain grond plaschair che nus avain survegnì 5 stailas. La valitaziun accentuescha la cumpetitivitad sur ils cunfins chantunals or e la cumpetenza d'investiziun da la Banca Chantunala Grischuna.» Infurmaziuns davart il «fond d'acziun Mund da la BCG (CH)» e davart ulteriurs fonds d'investiziun da la BCG chattais Vus sin [gkb.ch/anlagefonds](http://gkb.ch/anlagefonds).

### Contact per las medias e per investurs:

Banca Chantunala Grischuna, Medias & Investor Relations, Chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

---

### La Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 1010 collavuraturas e collavuratur (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 50 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 28.5 milliardas in gudogn dal concern da CHF 185.5 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Rendaquint semestral 2020: 23 da fanadur 2020

---